



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : KWUN TONG GOVERNMENT SECONDARY SCHOOL
學校名稱 : 觀塘官立中學
Name of Play 劇名 : 抄出大件事
Script writer 劇作者 : Genna (Tutor) (莫海欣、朱嘉怡 改編)

Synopsis 故事大綱 :

兩個來自不同家庭背景的學生一起參與了機械人創作比賽，雙方的家長都十分渴望自己的子女能勝出，背負着家人的期望，面對着十分大的壓力，後來更發生了一場抄襲事件，令所有真相都浮出水面，究竟兩位學生能夠得到體諒？結局又是如何？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 丘文尼平日生活

(星期六下午)

(丘文尼家中，母親及丘文尼)

母： 阿仔，我地今日 practice 邊個 language 好呢？（轉地球儀，指其中一地點） Oh! Spain! Spanish! (拍手，西班牙文老師出現)

丘： Mum... Hong Kong! Cantonese!

老： Spanish! Yeah! (拿着布跳舞)

丘： Yeah... (沒心機)

老： Amigo! (停下來，回望)

丘： A... Amigo

老師： (繼續跳舞) Amigo!

(老師停下，望丘文尼。丘文尼突然興奮地跳舞)

老： Yeah! (繼續跳舞) (停下來，回望)

(丘沒心機)

母： 加油呀！文尼！

丘： 我唔得喇！媽咪呀！做咩冇端端要學 Spanish 啫？之前學緊德文嫁嘛！

母： 乖仔，你有所不知，尋日終於俾我查到，機械人創作比賽嘅評判係西班牙人，so，if 你 interview 嘅時候講到一口流利嘅 Spanish，評判一定對你另眼相看！到時你贏左比賽，就可以直接去 Cambridge 或者 Oxford 讀書，仲可以做埋 TIME Magazine 嘅封面呀！係咪令人好興奮呢？

(老師拉丘文尼跳舞)

丘： Stop it! Stop it!

(跳 Tango)

老： Tango!

丘： Rectangle ?!

老： Time is up! Excellent!



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

母： 老師，你嘅跳舞教學法真係名不虛傳！ 如果想加快進度，喺一個月之內學識 Spanish，都得嫁嘛？

老： No problem ! Thank you Madam !

(西班牙老師退場)

丘： 媽咪，我想去廁所呀！

母： No，音樂老師已經黎左好耐。

(丘文尼無奈坐著，一眾工人把兩座揚琴推出來)

(揚琴老師進場，教授揚琴，丘文尼無奈地學着)

老： (指丘的手) 你的手不對！非常的不好！

丘： 哪裡不好？

老： (調整丘的手勢) 是這樣！ 繼~~續！

(丘文尼打哈欠，老師用棒打他/拍檯)

丘： Ok! Ok! I will pay attention!

老： (用棒打他) 說普通話！下次不要再這樣啦！

丘： 好的，好的。

老： 好，繼續。

丘： 我們甚麼時候才完 la?

老： 天塌下來就完了！

丘： 我的天.....

(丘歎息，繼續練習)

老： 今天就到此為止。下次可不要睡！

(拿譜給丘看)

丘： Oh my god!

老： Oh! 說甚麼英語？我們是中國人，要說普通話！

丘： 好好好好好.....

老： 拿，下一次你要把這裡，這裡，這裡，還有這裡練習好。下一次我來的時候
(站起來，用棒指著丘) 可別要讓我失望啊！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

(揚琴老師離場，柔道老師進場)

老： 師父今日教你嘅係兩下拳頭！

丘： 好……係兩下啫……

老： 睇住喇喎 (打功夫)

(丘耍了兩下功夫之後倒下睡著了)

老： 徒弟！起身啦！

丘： 阿媽！我頂唔順啦！

老： 唉！我無你呢 D 咁 o 既徒弟！

母： Oh! 訓左？ Good! Teacher!

(睡眠學習法老師出場)

老： 係！咩事阿夫人！

母： 睡眠學習法 ok?

老： 收到！

(老師在丘睡覺時大量灌輸知識給他，如數學方程式、元素週期表)

(丘文尼突然驚醒)

丘： 我仲未整好個機械人呀！哎呀！好急呀！

(燈暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場 靜穹平日生活

(曾靜穹修理桌子，然後溫習)

(曾母出場，掃地)

媽： 阿女，唔好再搞啦！快點溫書啦！無時間溫架啦！

曾： 得啦，得啦！差少少！整理先...

媽： 阿媽出糧再買張新的給你，你唔好搞啦！

曾： 得啦，得啦！好少事啫！（敷衍）

(曾母繼續掃地，扭傷腰部。)

媽： 哎呀！

曾： 阿媽你有無事啊！（跑去拿走放下曾母掃把）坐低先啦！（扶曾母坐下）

媽： 唔洗啦！無事！（兩人拉扯）

(門鐘響起，曾母收起掃把開門)

媽： 係！咩事？

鄰居： 拿！呢一本就係我個仔讀大學「N 賤」科用嘅參考書，佢而家都大學畢業喇，你睇下有冇用啦。

媽： 「N 賤」！咩嚟架？

鄰居： **Engineering** (鄉音) 啊！你識嗎？

媽： 得啦！幫到阿女整機械人就得嫁啦！唔該晒！俾錢你，俾錢你！

鄰居： 唔洗，唔洗，唔洗，唔洗..... 我要走了，**Bye Bye!**

媽： 好啦，下次煲湯俾你！

媽： 阿女，溫書就坐低係度啦！阿靚太俾左本參考書你！快 D 睇下啦！講咩架本書？

曾： (翻看，面有難色) **Engineering!**

媽： 好唔好用？岩唔岩洗先？

曾： ——岩！

媽： 好好好！繼續！繼續！

(曾把參考書丟在一旁)